



Arkivnr: 2014/1230-134
Saksbehandlar: Lise Fauskanger Ådlandsvik

Saksframlegg

Saksgang

Utval	Saknr.	Møtedato
Fylkestrafikksikringsutvalet i Hordaland		07.09.2016

Søknad om tilskot til teaterframsyning og trafikkurs – lokale trafikksikringsarrangement hausten 2016

Samandrag

Det er fastsett i Handlingsplan for trafikksikring i Hordaland (2014-2017) at det årleg vert sett av 800.000 kr til tilskotsordninga til lokale trafikksikringsarrangement. Midlane skal nyttast til gjennomføring av trafikksikringsarrangement som er tufta på lokale initiativ, det vil seie trafikantretta tiltak (ikkje fysiske tiltak). Tilskotet er meint å vere ei støtte for å sikre høg trafikkfagleg kvalitet på tiltaket. Det er eit viktig prinsipp at Fylkestrafikksikringsutvalet (FTU) skal kunne vere ein bidragsytar ved lokale initiativ der haldningsskapande trafikksikringsarbeid vert sett på dagsorden.

Våren 2016 vart 12 ulike arrangement tildelt tilskot, med ein total tilskotsum på 345.000 kr, jf sak PS 9/16.

Søknadsfristane for tilskotsordninga lokale trafikksikringsarrangement er i 2016 er sett til 1. januar og 1. august. Når det gjeld søknadane for hausten 2016 (1/8) er det for to av søknadane avgjerande med rask handsaming, på grunn av arrangementstidspunkta, og søknadane vert difor handsama særskilt.

Forslag til vedtak

1. Fitjar Festivalforening vert tildelt tilskot på 10 000 kr til teaterframsyning for born.
2. Knarvikmila Ungdomsløpet vert tildelt tilskot på 40 000 kr til trafikkurs for 10. klassingar.

Rune Haugsdal
fylkesrådmann

Håkon Rasmussen
fylkesdirektør samferdsel

Saksframlegget er godkjent elektronisk og har derfor inga underskrift.

Fylkesrådmannen, 18.07.2016

Bakgrunn

Det er fastsett i Handlingsplan for trafikkisikring i Hordaland (2014-2017) at det årleg vert sett av 800.000 kr til tilskotsordninga til lokale trafikkisikringsarrangement. Midlane skal nyttast til gjennomføring av trafikkisikringsarrangement som er tufta på lokale initiativ, det vil seie trafikantretta tiltak (ikkje fysiske tiltak). Tilskotet er meint å vere ei støtte for å sikre høg trafikkfagleg kvalitet på tiltaket. Det er eit viktig prinsipp at Fylkestrafikkisikringsutvalet (FTU) skal kunne vere ein bidragsytar ved lokale initiativ der haldningsskapande trafikkisikringsarbeid vert sett på dagsorden.

Våren 2016 vart 12 ulike arrangement tildelt tilskot, med ein total tilskotssum på 345.000 kr, jf sak PS 9/16.

Søknadsfristane for tilskotsordninga lokale trafikkisikringsarrangement er i 2016 er sett til 1. januar og 1. august. Når det gjeld søknadane for hausten 2016 (1/8) er det for to av søknadane avgjerande med rask handsaming, på grunn av arrangementstidspunkta, og søknadane vert difor handsama særskilt.

Kriteria for tilskotsordninga

- Søknadsfrist to gonger i året. Det må søkjast på eige skjema.
- Utbetalinga skjer i etterkant av at rapporteringsskjema inkl. rekneskap er motteke.
- Arrangement med ei kostnadsrøme på over 30.000 kr har krav om ein eigenandel på minimum 25%.
- Personalkostnader/eigeninnsats kan vere ein del av eigenandelen. Eigeninnsats (timar) må synleggjerast.
- Rett til å søkje: Kommunar, skular, barnehagar, lag/foreningar/organisasjonar.
- Tilskotmidlane kan ikkje dekke administrative kostnader og andre driftsutgifter.

Om søknadane

a. Fitjar Festivalforening

Fitjar Festivalforening søker om tilskot på 10 000 kr til å setje opp ei gratis teaterframsyning for småborn og foreldre. Arbeidsinnvandrarar med born og nye flyktningsfamiliar vert særleg invitert. Framsyninga heiter «Rødt lys», og har fokus på trafikktryggleik. Arrangementet finn stad 13. august. Søkjaren er ny av året. Fylkesrådmannen innstiller på eit tilskot på 10 000 kr.

b. Knarvikmila Ungdomsløpet

Knarvikmila Ungdomsløpet søker om tilskot på 50 000 kr trafikkurs for 10. klassingar. Totalt 2000 elevar deltek på Ungdomsløpet (8.-10. klasse). Totalkostnaden for arrangementet er 547 000 kr. Dette er eit årleg arrangement som er ein del av Knarvikmila. Det går ikkje fram av søknaden kva tilskotsmidlane frå FTU spesifikt skal nyttast til. Arrangementet finn stad 2. september. Fylkesrådmannen innstiller på eit tilskot på 40 000 kr.

Fylkesrådmannen sine kommentarar

Det er eit stort lokalt fokus på haldningsskapande trafikkisikringsarbeid i Hordaland. Fylkesrådmannen ser at det over mange år vore dei same arrangementa som har søkt om tilskot, - noko som er positiv med tanke på lokalt initiativ og interesse, men samstundes er det viktig å ha krav til innhaldet i programmet, og sikre fokus på trafikkisikringsdelen. Om eit arrangement har motteke støtte eit år, så set det likevel krav til innhaldet og fokuset i arrangementet for å kunne motta støtte seinare år.

Søknaden frå Fitjar Festivalforening er ny av året. Etter fylkesrådmannen sitt syn kan ei teaterframsyning vere ein god måte å formidle kunnskap om trafikktryggleik til dei aller minste på. FTU har også støtta liknande teaterarrangement tidlegare. Det er positivt at arrangementet har eit særleg fokus på å inkludere arbeidsinnvandrarar og flyktningar.

Når det gjeld Knarvikmila Ungdomsløpet så har fylkeskommunen gjeve støtte til dette arrangementet tidlegare. Trafikkurset er utvikla over tid, og fylkesrådmannen har tiltru til at dette kan vere eit godt forum å løfte fram fokuset på trafikktryggleik. Samstundes er trafikkurset berre ein liten del av eit stort arrangement, og omfattar berre 1/3 av elevane som deltek. I søknaden går det i liten grad fram kva tilskotsmidlane konkret skal nyttast til. Ved tildeling av midlar til trafikkisikringsarrangement er det viktig at midlane i størst mogleg grad vert nytta til akkurat dette føremålet, og ikkje til andre delar av arrangementet. Ut frå dette innstiller fylkesrådmannen på 40 000 kr.

Fylkesrådmannen innstiller på å tildele begge arrangementa tilskot, med ein total tilskotssum på 50 000 kr.